

石遺室詩集

石遺室詩集卷第五

侯官陳衍

已酉

題王石谷十萬圖冊後十首

丈夫號十萬侯封乃千畝折中爲萬竿渭川吞八九

萬竿煙雨

未磨青銅鏡允選青銅錢若非張學士亦是李謫仙

萬點青蓮

是雲是奇峰突兀森萬象看雲足卧遊何必衆山響

萬峯雲起

一壑一置身一流一洗耳幼輿與子荆千億化身矣

萬壑爭流

成連移我情刺船竟何往河伯復江神眇乎醯雞兩

萬頃滄波

昔者杜少陵萬卷讀已破所以浣花溪並無樓一箇

萬卷書樓

此聲適何來奔騰復澎湃寫以無聲詩佐以有聲畫

萬樹秋聲

閩有萬松關浙有萬松嶺嶺上無一松禪關足清景

萬松  
疊翠

萬頃既同編千巖復共白羌無簑笠翁亦乏騎驢客

萬山  
飛雪

萬本鼻功德汰哉陸劍南一樹一放翁豈數花兩三

萬枝  
香雪

題畏廬畫四首

此地非桃源此牛非戴嵩所以牛目中了不見牧童

籟光竹在地雲棲竹在天誰知古西泠水竹自娟娟

秋色無聲詩秋聲有聲畫中有讀書人秉燭聽澎湃

頗似雨花臺落日成樓楮設設松風寒瀲瀲鳴泉瀉

題孫子瀟先生雙紅豆圖四首

牧齋天牧雙紅豆占斷江南一捻紅誰載桃根桃葉去隔

江付與賣花翁

千古湖州有替人落紅惆悵定傷神大江南北皆南國一段悽迷畫裡春

賜緋散子麗人行記曲拋殘聽鶯何苦萌芽方寸地和他摩詰與飛卿

瀦波寫韻蕊珠仙種玉藍田總化煙只有三星帶殘月茫茫碧海對青天

章曼仙屬題銅官感舊圖

湘鄉敗赴水章公力挽之始終置不問論者各有辭吾聞郭汾陽太白救其危白後亦獲罪免之惟子儀晏子脫越石越石從此辭出已所不謝箴言表風規事理固萬變折中聞仲尼沂江絕洞庭我行過臨資赫赫報功祠山顛復

水湄嗟哉功名士激昂効驅馳

哭丁叔正二首

叔正蘊藉人天懷復淡蕩云胡凶短折此理足惘惘我觀  
人問世攻取日擾攘六極終曰弱寇賊所滋長雖云情與  
理遺恕時自廣行爲輒拂亂微愠積何往所恃戰勝力摧  
陷見開朗君胡久相忍譬若癰暗養我時決使道亦或豁  
以爽剛柔終異質變化非可彊仲宣旣疋羸孝章復慳怳  
遂令歸無形寒郊送泱泱

入春哭嘯桐入夏哭叔正毅豹乃同歸各自發瘵瘵造物  
汝何仇友朋不我假意行或臨水看花每適野長安塵坱  
中似此人或寡吹笙彈鳴琴聊復我心寫風月不用錢方

謂恣陶冶愁人秋夜長遽遣燈燭地聯翩錄新詩蛀紙足  
揮灑似知生有涯貽我動盈把行當印千本祭告詩窮者  
性靈化煙雲知識空般若

長夏將闌醫隱送茉莉兩本小竹數叢棖觸平生  
成兩絕句

玉枕紗幮白練裘偶然簪髻想夫君湘簾窳地流波簟一  
種芳馨可再聞

琅玕翠袖兩淒迷疏雨聽殘月又低今日已成童子寺維  
摩丈室對幽棲

楊昫谷法部屬題其先德蓉峯采藥圖

聞道杏林堪易穀又聞菊水制頽齡何須一盞防風粥何

必君王賜茯苓

癡愛貪嗔百病身藥師何藥藥斯人抽身肯向雲深處自有天然一段春

昔歲南昌郡署樓西山蒼翠撲簾鉤早知藥物紛無數悔不携家置一丘

旭辰法部屬題所藏道光五年摺紳錄

昔者李文貞持節督畿輔望溪語文貞此位公試數自從開國來凡幾易其主文貞稽題名指已不勝僂其間可傳者落落不三五可知重事業不重在圭組君今藏此本潘李吳繼武潘伯寅尙書李若農侍郎皆藏有順治摺紳錄吳子修提學藏乾隆摺紳錄朋交徵題詠數典不忘祖或攷朝班殊或證輿圖臚或詫客卿列

或將尸諫補或誇閭里榮或溯家族譜我知收藏意結想  
在千古經術阮王著政治陶趙伍松那楊陳輩諫疏與鼙  
鼓其餘諸鬼錄熟視殆無覩碌碌從毛遂寂寂笑鄧禹雖  
有點鬼才誰能記斯簿

柯鳳孫叅議屬題鏡影圖

大圓一圓鏡萬有無非影惟影有久暫厥故足深省漆園  
問罔兩黃庭名內景明鏡本非臺機鋒辨才逞儒家有一  
鑑雲影天光併自矜源頭遠活水得修綆三教之所同御  
動必以靜治民喻鏡煙鏡中人自領寄託爲此圖爲政想  
清整因思三不朽功德祇俄頃夢幻泡露電六者日馳騁  
有如倩盼人對鏡誇莊靚三春一以去願影傷悽哽生綃



能駐顏傳神留耿耿文章如是觀立言託毫穎固知神滅  
論知識早灰冷茫茫諸世界借此作蔚炳乾坤苟未毀吾  
瑩吾詩境

送實甫兵備督關雲南次其留別之韻並寄樊山

布政

易子結習老不除除官備兵仍耽書漸西樊山舊同調賦  
詩刻燭乘公餘常言此樂足忘死持較南面王何如艱辛  
容易各有致樊易叉手袁捨鬚氷堂高足得三子于湖牛  
渚悲云殂兩軍湘楚老對壘到處墨瀋霑襟裾去年結社  
聚京國斜街高廟常停車江爲點竄江東竊諧噓陸弟同  
周瑜樊山常挪掄實甫偷其好句大江南北看分陝羣公競厭承明廬

湖山賓從供遊讌白門柳色聽啼鳥君獨乘傳行萬里干  
莫不遣合吳趨過家上冢古漢壽武溪西上千崎嶇我聞  
庭衢在八荒豈能流丸止甌與况子足跡奄行省突過李  
杜韓黃蘇隴溟遼潘舍弗顧半九十里獨何歎笑余土偶  
實桃梗送人作郡非所吁王城人海謂可隱豈意見者疑  
投珠會當投劾遠朝市杖策陵藪招康琚甯能東閣窺行  
馬儕伍局促爲轅駒景宗共羨笳鼓競新婦方閉貴人輿  
生風出火好身手文園漁獵聊馳驅臨安夢樓久不作衙  
官屈宋席則虛點蒼西洱毋久戀東海還駕琴高魚桑溪  
待修春禊飲釣龍憑弔越臺墟天風海濤上芳塢坐看紅

日升東隅

醫隱送木芙蓉兩本

思鄉苦欲求陳迹易主池臺過亦墟似此花開人不見當  
他曉睡未粧梳

芙蓉亦是舊時粧池上秋光幾斷腸試看此花渾不異道  
人爭似木人強

醫隱送菊花數十盆報之以詩並作還山之約

薄宦京華負耦耕買山偕隱計空成卻聽朝士貞元曲昔  
憶丈人田水聲棗樹撲鄰感王吉黃花壓擔愧泉明南中  
鹽豉君差有好煮蕪絲末下羹

五斗曾同謝折腰故園松菊奈蕭寥瘦無可比人何往落  
到堪餐色尚饒傳舍子猷雖種竹金城宣武已攀條此生

更幾重陽在珍重田家雞黍招

醫隱又送菊

故人憐我老無偶屢送幽花作我友豈知對花倍思人人  
不可見斷腸否腸今斷盡無可斷破涕可能開笑口花既  
將黃螯又肥拚卻酒悲應對酒豈知痼疾酒成仇剛制經  
年醉魔走杜陵叢菊有瘦妻陶令東籬非鱖叟更愁菊水  
能延年潘髻蕭疏變黃耆

九日同堯生天甯寺登高

趙公健遊者迢遞下我眉隨意登高去聊紆作客悲廢臺  
遲落木衰髻短交期只有源源醉多爲數首詩

胡漱唐御史尊人六十壽詩

豫章富山水積氣爲清高徐孺復陶潛物外足遊敖六代  
迄宋元詩文建旌旄發揮爲風節史冊時相遭胡公老孝  
廉績學勤焚膏皐比三十載後進廣甄陶一官促奉檄棄  
之如遁逃萊氏有逸妻畚缶甘蓬蒿長君錄過庭殿前能  
揮毫諫議拜大夫鳴鳳正翔翺羣從文武才萬石差可叨  
吾聞漢東京氣節相鳴號良由嚴先生立儒真人豪威武  
不能屈富貴先鴻毛持以助諫議馨絜觴堪操

答黃方舟太守不見十五年矣

解后相逢喜欲狂別來人世幾滄桑健兒身手依然在二  
老鬚眉約畧蒼燕市黃花宜痛飲春申白帽足迴腸數奇  
太守眞同慨洱海泮荆百戰場

題劉壯肅奏議後

蠟炬談兵幕府秋  
劉虞殘客老田疇  
可憐誰賣盧龍塞  
桑海茫茫萬事休

威名北府似牢之  
淝水能驅百萬師  
別有騎驢湖上意  
秦淮桃葉渡江時

萬里封疆久寂寥  
籌邊誰復李文饒  
休言將帥思鼙鼓  
臺閣於今亦續貂

贊虞招遊戒壇看紅葉次日至潭柘

人境乏秋色入山  
眺霜林連村僅微  
黃出郭方沈吟炭  
谷路屢轉山氣漸  
蕭森寒巒鬱衆木  
夕暉恍未沈豁然  
一呈露世界變黃  
金惜哉遲雨霜渲  
染色不深

城中數葉紅山中燦於火有如觀陸渾公言豈欺我入門  
惟柿葉丹赤勝花朵古松雙卧龍盤屈敵坎坳偃蹇如壓  
雪異狀餘猶夥戒壇以松勝壇柘松亦可水聲復潺潺一  
夜竹間墮

代題北宋石經殘本長句三十三韻

熹平殘字六百餘三體兩冊摹當塗開成石經最完足太  
和長興分兩途九經十經母昭裔雍都舊本同步趨自蜀  
廣政迄乾道未盡清獻詳成都宋人傳引據蜀本陝本南  
渡阻崎嶇鵲巢乘舟僅起訖谷林謝山空歛歔長興板本  
行北宋郡齋讀書記國初邢璣林甫說不取夢土作又示  
一隅兩楹深刻出嘉祐長編恍載帝曰俞癸辛雜志及玉

海篆隸二體標揭彙誰知牟駝岡一戰良嶽花石采焚如  
或傳石經同禹鼎沈淪入水黃泥淤或云元季始茫昧金  
源失載獨何歟游梁太學羅壽可如山堆積猶于諸重修  
况聞耶律隆也先帖木復規撫亭林季野皆恟悅竹垞道  
古仍模糊弇山僅搜陳留縣開封早搨吳山夫竹汀跋尾  
等彭本苕溪茂才分鈔胥一時方氏別藏弄周官戴記兼  
易書稍資攷證馮教授中州作記尤區區山陽丁氏生已  
晚閱市得此真不圖易書詩禮春秋經益以孟千古所無  
三萬字將四百紙唱和大放詞瓊琚多藏古字自善本六  
書謬誤堪胡盧如其作箕云作雲及修作脩於作烏又池  
作沱齋作叁若援此例概可誣求將作裘衰作簣朋將作



鳳乎作呼良由許書失古本說文北宋宗大徐存沱刪池  
但失訓此例更僕妄未祛怪哉援叟講許學古氣可拊翻  
稱警近來唐本多發見說文木部韻寫吳夥顆內閣北宋  
本不數雙井及髯蘇紛紛石印玻璃版著錄誰纂觚不觚

題海藏樓

海藏不可藏築樓立人表樓成天生黑此黔邑中佼登樓  
俯平楚一一過飛鳥問君獨居意魂魄析繳繞有魄樓蓋  
蓋有魂詩裊裊身處魂魄閒暫與周旋了嗟我乏靈藥奔  
月妻忽杳百尺棄不居碧海沈沈曉羨君學劉徹脫屣志  
何標君眷屬不  
住樓中

題煙霞洞

煙霞乃何物草木氣所蒸修洞貯煙霞山僧世稱能我來  
萬霜林赭葉交支撐山路稍種梅冰雪方駸駸蒼白與丹  
黃色色迭相乘卽此造煙霞出林紛飛騰耕煙復餐霞蔬  
笋供山僧絕頂更看潮石勢猶嶒嶸

冒雨至西溪

西溪出湖背只隔山一重喚舟松木場玩溪殊從容冒雨  
乃肩輿踰嶺絕人蹤霜葉滿天地丹赭如熨烘失路入花  
塢雨色尤微濛密竹爲蒼穹未知所終窮舍之渡交蘆一  
龕厲太鴻身後誰管得意行吾願從

庚戌

幾道出示歲暮諸作奉和一首次其初七日閱邸

抄韻

夫子雄才敵萬夫苦吟字字費踟躕偶將雁塢題名記寫  
入詩龕祭脯圖五十本來少進士百年能幾大胡盧梅花  
上日開筵好莫管南公與左徒

爲君直題山水卷

如此溪山足卧遊黃塵烏帽滯歸休太湖縹碧陶江綠不  
是蘇州亦福州

花朝同人集江亭暮飲酒家

春中草未青步履近郊坰詩有萌芽意人多磊砢形一灣  
隣水色百上厭江亭勞我精神未居然報醪醑

花朝後一日招鬯威仲毅芷青次公秋岳諸子飲

集寓齋

春來人事集久不對芳尊好我二三子起予五七言南中  
花已燦北地樹猶髡居易他年錄行藏嬾細論

清明日揆東毅夫約遊萬柳堂並尋袁督師墓不  
得憇夕照寺

徧尋萬柳堂卻至拈花寺頗疑旁積水雨打新荷地野雲  
與松雪疎齋亦聯轡逢僧一問訊雷塘有題字元代盛上  
都東門萬車騎城東多杏花嶽廟春光媚飛英墜杯罍名  
園邵庵記明君飾西苑下直乃易位西涯占一角十刹列  
水次本朝開文園挹取西山翠御溝引玉泉暢春駐七萃  
京僚集宣南江亭足高會寒食茲出遊處處紛野祭督師

埋骨地鄉人猶涕淚良無曲端旗頗有符離潰北平固有  
恨飡璧何曾饋可憐熊江夏功罪稍同異國事若奕棋不  
亡天亦醉千古貉一丘夕陽又西逝

送江杏村歸里

四海爭傳真御史九重命作老翰林當誅臣罪非今日待  
養親年直萬金殺馬行藏殊憤激臂鷹身手任蕭森他時  
共領田園興浮白青山是素心

三月十九日堯生鐵華招集法源寺看丁香因約  
春盡日集棗花寺

此閒合署丁香院一度看花一度繁欲喚竹垞諸老起西  
來閣下話黃昏

潘蘭史屬題江湖載酒圖凡百方

一自金風亭長去江湖寂寞酒船無  
誰知尚有稼堂老滑笏春箋百幅圖

再爲題山塘聽雨圖

往歲曾遊七里塘携家咫尺隔金閭  
不堪重話吳娘曲暮雨瀟瀟只斷腸

題訓雞圖

紅杏通靈松羽化只除雞犬不升天  
幾多朝士貞元感回首前遊廿八年

題孫子瀟先生與吳竹橋詩冊

簪花筆媚茂漪姿昨歲曾觀紅豆詞  
開卷九佳強韻在依稀

稀鴻博省耕詩

兩當集裏大名標幼識先生與竹橋讀徧聯翩黃絹語醉  
歌吾欲和花朝

金陵雜感披詩冊突過船山與鐵夫此本合井眞兩美薑  
芽愁絕滿江湖

潘蘭史藏有黃仲則先生金陵雜感詩墨至佳

瘦唐以所藏乾隆二十九年摺紳錄屬題

昔讀公孫弘傳贊得人極盛推武皇是時漢興六十載海  
內乂安民樂康仲舒兒寬並儒雅定令惟趙禹張湯安國  
當時能推賢兩司馬氏大文章應對嚴助朱買臣滑稽枚  
臯及東方篤行有石慶石建質直汲黯治淮陽奉使則張  
騫蘇武運籌卜式桑弘羊將率衛青霍去病受遺金日磾

霍光歷數唐都洛下闕延年協律調宮商其餘乃不可勝  
紀西都賦序亦未詳宗正劉德太常臧侍從若虞丘壽王  
史遷著書始作表名臣將相乃表彰班書公卿百官表下  
及都尉上奉常合并漢官諸舊儀職官作志茲濫觴厥後  
中葉稱太平唐玄宋仁遙相望然僅姚宋同平章燕許手  
筆推堂堂九齡韓休暫翺翔天寶終亂李與楊乃若韓范  
富歐陽慶歷聖德歌者石四賢一否作者襄本朝熙雍漢  
文景純皇孝武差頡頏六經表章始孝武藝文一志何輝  
煌四夷通道出西域匈奴右臂嗟其亡十全老人武維揚  
回部準部莫敢當布魯特迨葉爾羌帕米爾地寶高岡金  
川青海前後藏阿里廓爾喀分疆北科布多喀爾喀山曰



唐努海鳥梁東自韎鞞暨肅慎西南瀾滄至越裳武功既  
燦及文教四庫著錄羅文昌其時三十有七載同天稽古  
開天闔此錄在前僅入載濟濟多土方奉璋臣朔彼時爲  
侍郎兼此數子言雖狂何至侏儒同一囊雷牙樹胲紛引  
吭去年一本披道光顧成廟號同孝宣吏治人才猶明教  
傳贊仍可稽公孫招選茂異求循良講論六藝鳴笙簧梁  
丘夏侯望之輩王褒劉向足拜颺安世丙吉與魏相延年  
定國爲一行充國屯田老河湟治民趙韓尹嚴張龔王鄭  
召冠以黃未知今昔誰低昂斷無城社憑狐鼠斷無當道  
臥豺狼吁嗟死者不可作借才異代空徬徨

送江叔海兵備之官開封

半生足跡徧天下老領中原一道來  
晚達詩人高適例救時良相國僑才  
虎牢廣武留棋局兔苑夷門付酒杯  
十首春遊餘後約明年遲我上繁臺

答弱庵

投我瓊瑤闕報章琴書枕簟日邀涼  
西山果換秋顏色呼

酒登臺一據牀

來詩有西山漸換秋顏色句

追題陳可齋白日看雲圖

買田聽雨枉云云白眼看天日又曛  
知有淚如雲不散羨他寒雁未離羣

出岫無心傍帝閣東頭西屋被重溫  
誰知松竹瀟瀟雨腸

斷嵩山卜葬言

君以知縣選缺得江蘇宜興旋病歿於喆弟緘齋編修京邸

停雲八表散漫漫  
寥落晨星廿載還  
今日江亭覓陳迹  
有  
如獨坐敬亭山

穰卿屬題東軒吟社圖

人閒結社無時無  
其流傳者詩與圖  
太鴻大宗派云徂叔  
未叔美皆吳趨曉樓寫生工  
雪膚華清出浴紅羅襦  
十洲子畏驚且呼東軒長老非  
小蘇龍眠西園甯所摹  
楮墨生色西子湖  
我有閨中主客圖  
大家貞節輪與扶  
婉佞無非相于喁  
新雕注本走五都  
小米先生惜已殂  
不然乞敘爲楮  
穰湖西陳迹堪嗟吁

送王病山布政之官武昌

十載前遊地憑公典  
大藩衝繁天下鍵  
忠信易中源持贈

何長策條陳已至言

君纔疏陳  
貨幣事

佇看移使節閩海上朝敷

寄袁樹五提學杭州

詩派公安舊擅場竟陵提學重清芬采風不到無諸國看

雨應登有美堂吟侶漸同秋葉散

謂樊山實甫  
愛蒼諸人

酒人渴想

碧筩香喜君書局隨身領又傍文瀾聚縹緗

送楊昀谷太守之官四川

謝公昔有言中年傷哀樂每與親友別輒作數日惡宋玉  
作九辯秋氣悲搖落登臨送將歸遠行更離索况子丘壑  
懷匡廬鬱磅礴况子深厚意不作鄱陽謔况子文字契謬  
謬松風閣况子重交期懸榻待寂寞如何一麾去冠帶事  
束縛春明卽天涯蜀道况嶄峩山川雖信美吾子非土著

况我顧雙鬢衰颯已野鶴况我心出家性命友朋託况我  
厭微官薄田稍負郭良會焉可知夢中路或錯亦昂雙不  
借上峽作行腳千山萬水三三生約未知老且病可  
可作非壯年石湖且高爵詩人未盡窮聞風君

送楊祇庵出守廣信

南昌南康兩賢守昔者送我入廬阜開先三峽恣俯仰五  
老白鹿紛招手東西二林却未至轉以容易遲攜酒君今  
麾杖別黃鶴章貢西流君東走武夷去郡不百里盡我舊  
遊足回首祝君火速領一道水到潯陽派分九五架三閒  
訪草堂談君美政聽田叟

邀子言蘇堪飲草堂子言贈詩和之兼示蘇堪

舊詩人去剩林亭小集詩人雜醉醒下酒催詩無別物滿  
林黃葉最堪聽

閩社詩人光緒初海藏詩派滿江湖劉郎憔悴重來處一  
箇當年道士無

題莫愁湖圖卷

不到青溪十五年白門衰柳此毳然六朝煙水淒迷裏一  
角殘山最可憐

儂比盧家有莫愁石城艇子此生休江南盡是傷心地只  
合丹青作臥遊

十月二十八日攷庵閣學招同堯生侍御酌谷太

守冒雪飲酒家遂登江亭聯句暮歸復放言二十

八韻

一雪已三日皓然滿皇州陳公冒雪來叩門如有求言求  
澹蕩徒去作江亭遊載酒過楊子命車迎趙侯燕市乏酒  
人金臺無培塿猶有賀季真能解金貂裘登高何所見同  
雲凝不流西望失翠微南望失蘆溝北不見居庸東不見  
田疇東西南北人搏沙聚浮漚匡廬當此時玉山照人眸  
石鼓當此時萬松寒颼颼側想峨眉顛終古色不秋趙侯  
幾兩屐楊子舟夷猶會合對此雪羅浮有此不時胸谷將  
改適廣東  
融者疑酒泉積者疑糟丘有酒如此雪畢生可拍浮有詩  
如此雪寒郊非詩囚冰柱與雪車豈數韓門劉白戰無才

鐵何必蘇與歐却念鄭海藏遼陽尙淹留片片雪如掌大  
者如衾稠定如梅都官弓衣句雕鏤復念梁伯烈貧病未  
歸休歸歟香雪海翠羽聲啾啾可折春一枝寄我如隴頭  
我衰宜閉門高臥瞻松楸尙戀歲寒交遲回剡溪舟

題醫隱所藏蜀石經左傳殘本

醫隱請題蜀石經謂我能作覃溪詩晴牕呵凍試走筆摹  
牙詰屈窮恢奇我云文字各有體風騷雅頌隨所施大夫  
九能多韻語豈限言志心所之倉頡篇暨急就章效者昌  
黎樊宗師覃溪焉能創體格鈔書當詩甯足訾洛州刺史  
隳皇綱知祥崛起天西陲石經開國卽肇始中原塗炭堪  
獻歎開成完足不足貴關中如山堆唐碑凡物罕者乃見



珍殘磚斷瓦爭護持此本僅存數百字魯昭二年傳抱遺

終於以印為褚師斷自樂施字子旗如魏殘字始以齊

載魏三體石經八段排比失如漢殘字終以蓄公羊傳昭

次當以齊人侵魯疆居首廿五年以

人為蓄漢石經舊作則覃溪賦詩厠跋尾竹汀懋堂相迫隨所爭獨

寫與宋寫諱詳諱察不諱知凡茲缺筆似鐵案曼多徵在

例則歧每行字亦無定數十四十五難規規多者乃至十

七八是傳是注宜離詞襄三十年羨一字校勘記本分毫

釐第十八行竟全缺熟視無覩獨何其馮教授据錢摹本

攷異兩則殊傳疑所云改易作故易及脫遂字當改為今

觀此本本作改从己从古分指搗上大夫送下有遂不識

譌脫從何時又疑此行十九字擠寫胡不嫌參差可知攷

證失眉睫何止甲癸作申葵就中蝮叟見最夥鴈全但聞  
按調飢伯胤伯元惟署欵木夫楛溪快翻披抱冰紙尾已  
千古退庵藏弄今在茲雲煙過眼類如此西蜀北宋誰高  
舉

東坡生日陶齋尙書招集寶華庵成長句七百字

十有二月十八日節庵自荆邁臻燕東坡生日在詰旦陶

齋主人集羣賢望衡對宇王子衡書衡推丞與我聯轡城東邊

太邱殺庵閣學丹邱鳳孫提學先戾止林逋畏廬學博劉過呈叔孝廉裳方褰

狐裘有客何蒙茸勞山道人玉初京卿最華顛簡學曾孫仁先侍御

今詩人繼以汝礪治齋學部及龍川士可參事主人罷官太瘦生彷彿

飯顛逢青蓮平生作詩厭苦語甯效臣甫悲杜鵑節庵

同病來相憐一歲不見幾滄田自言將成習鑿齒襄陽傳  
中半人偏不笠不屐畫象縣子畏筆妙秋毫巔成都舊帖  
無二本七集影宋新雕鏤林逋看畫繞四壁河陽富春迨  
耕煙言從墨井得筆法更喜石谷窺真詮丹邱方刊新元  
史相將劉過談連篇山川地名出秘乘親征聖武矜戈鉞

斤斤源流備蒙韃區區醉隱傳伽堅何

秋

張

穆

徐

松

李

文

田

並攷證取材更拍洪崖

鈞

肩竹汀改作畏後生古微搜緝

空先鞭方今重譯無盡藏元寇何止伏敵編節庵謂我有  
請史蒙古故事經鑽研老來自薄詒癡符得魚得兔忘蹄  
筌須臾嘉賓漸翔集香火展拜分後先寶公

沈

盒

李

公

溪

柳

侍

郎吾長官畧位論齒謬居前偶從紗縠數甲子疑年絳縣

同茫然或言已踰九百載十五丙子相推遷豈知建隆迄  
宣統二三百載凡三燹至元至正八十八合九百載而強  
焉更除景祐溯建隆七十七載中綿延公生八百七五歲  
公卒八百有十年猶令後人此景仰菜羹羊肉非浪傳我  
懷趙宋重有感陽九百六庚申纏中閒紅羊一黑劫迄無  
甯歲遭迤邐蠲更未六天水碧白雁來過木波禪大哉乾  
元方庚辰戊申洪武旋坤乾本朝甲申復定鼎此物兵氣  
眞牽連庚申甲申又庚子蒙塵命將馳鞍轡我公未見靖  
康恥建中靖國歸奎躔熙豐新法今百倍豈數差役青苗  
錢四夷交侵小雅廢誰復新義爭疏箋可憐貢舉與學校  
詩賦策論皆棄捐銅山難椎虎難鑄開府卅六方聯翩百

聞耳冷那可得耕父行見清冷淵搏沙聚散宜攝影百壺

送酒看如泉坐中江陰繆當時

彼珊京卿

識我秀野堂數椽玉

山堂上于彥成

晦若侍郎

斜街咫尺缺周旋曾聞雲閒對日下

亦有四海酬彌天酒闌李邕

文石兵備

最後至說鬼正可窮幽

玄凋年風物雖淒緊荒龕祭脯皆詩僊節庵切勿掉頭去

更留草堂人日文字緣

辛亥

人日挾東招集四印齋以人日題詩寄草堂分韻

賦詩得詩字

花前雁後例題詩况集朋儕倒酒危衝雪入關真失喜

蘇堪

方從關外至

穿雲登岱預爲期

與堯生有約

虛全月蝕推敲處

揆東出觀

新詩經堯  
生改削者  
管圍棋  
坡老城南校獵時此是酸寒新事業那能急劫

二月一日集舊慈仁寺看松畏廬爲毅夫作圖題  
詩其後

廢寺看松不記回丹青祠廟出蒿萊天留此叟經桑海代  
與遺民話劫灰畫裏夜叉雙突臂眼中春物百胚胎戒壇  
潭柘誰尊宿更待驅車激墨回

花朝集花之寺憶與叔正舊遊示揆東

一花不見春冥冥一僧不逢寺無名花之寺勝在寺內似  
媿無花相逢迎我云此寺本非寺嘉名移錫曾南城主人  
瞰名就荒僻掃地如鏡吹瓶笙詩人麈至詩東笋共喜主

人無世情海棠幽怨老槐歎致客胡不過清明昔與令威  
相意行尋花過此門無扁牡丹斗大已飄謝白蓮在水呈  
芳馨杳然化鶴遂千古對面依舊西山青主人聞此勿感  
喟黃壚有酒勤當傾

二十三日集江亭蘇堪主之春雪放晴景色特異  
江亭一培塿終歲必薰至臺榭足望山草樹儼水次鄭君  
別都濶可念習遊地雪晴羣玉嗟冰泮研羅曳叢木隱遙  
綠宮葦剡淺翠青溪莫愁閨煙水忽染袂高鶩見鳳闕大  
園譙壇墮百里帶斜陽綉繪益流麗自遊江亭來此景美  
無二如彼臨池久放筆得新意如彼佇興時佳語出平易  
鄭君老文字極命醇與肆會心覩天倪不在遠難致悠然

濠濮想聊謂莊與惠

續題海藏樓圖卷

劉郎不得仙厭居十二樓還築黃金屋影娥池上頭豈如  
陳黃奴素娥色不秋臨春倚危欄壁月萬古愁亦有楊阿  
麼殿腳下揚州築樓字曰迷真仙不敢遊秋菊與春蘭此  
意誰蹇修支機乞織女聘錢貸牽牛田舍鄭半洲衣被敵  
瓊裘黃金定可成海山焉足求

由農事試驗場步至葦灣

犖确西郊石路荒月壇松檜鬱蒼蒼南行遙指天甯塔猶  
阻蒹葭水一方

三月三日葦灣禊集示山腴



葦灣未見青青葦亦似花之寺未花尙覺尋春來太早翻

令消夏思無涯

葦灣以夏日荷花勝今年春水甚滿

桑溪禊事何年續洛浦

風光此日賒

將與瘦唐堯生遊洛陽未果

賴有詩人林子羽良長能使

醉流霞

剛父招集棗花寺牡丹尙未開丁香方盛是日瘦

唐堯生未至漫賦吳體

年年醉我棗花寺今年牡丹遲未開欲從果下歌纂纂但見丁香白皚皚趙侯病酒不出戶胡子囊書方辭臺花前此會能有幾莫爲主人惜尊疊

法源寺丁香盛開爲堯生主人賦

法源丁香天下無周遮佛殿將百株風香日淡春晝永仰

見樹頂玉雪鋪昌黎半山總愛李愛其編色天不脯碧桃  
玉李殆孀婦此花練行眞皇姑今年看花凡五至叟庵蘇  
龕畏廬俱清談恍助霏玉屑瓊花簷荀才猶癡趙侯腳踏  
我眉雪對此頗憶我眉乎他年與子我眉去憶此玉雪更  
何如

陳劍潭撰其亡弟琴甫事略屬題

有弟人生樂分飛已可傷囊書逃惡歲旅櫛落江鄉畸行  
辭修飾哀思入渺茫長公善文字爲汝好流芳

鶴亭長女方十餘歲割臂醫其祖母病作詩美之  
剗肉以回生其事亦偶爾至愛迫憂危計窮乃出此彼哉  
見義輩視此女子子

同人集謝文節祠送瘦唐御史歸江西

此身無計侶夸毗，此口惟銜石闕碑。  
九子易堂殊可念，一官脫屣欲何之。  
杏花春雨君先去，苦笋青衫我亦宜。  
百戰健兒今老矣，白頭明歲是歸期。

幾回作序不成詩

今年連作送人序三首

排日離筵足酒悲，無數愁

心都入畫

每集畏廬必繪一圖

難遮去意復何辭，青山一髮江南遠

落日連鱸贛水遲，嵩華岱宗遊徧未，海棠如雪謝公祠

滿庭桃杏盛開飲酒其下

一片花光供此身，多慙已是白鬚人。  
思量報答無他物，對汝醜顏過一春。

題力孝子萬里尋親圖

我生之初父見背不見吾父天實爲我生三十父尙在不見父兮地爲之父兮生我足以履地天高不可升地遠足能至我聞西人言無兵之國爲無手無船之國爲無足一國之足鐵與木一家之足骨與肉苟無骨與肉誰用鐵與木不見力孝子厥足猶是骨與肉萬里尋親無躑躅

爲剛父題唐人寫經卷

六朝喜造象唐人喜寫經豈伊象教同資福無異情吾同佛生日視佛亦平平惡殺似蕭衍膜拜殊未能喜遊浮屠宮三宿乃未曾復持神滅論不滅任爭衡騎省甯知言桶水反復傾滄浪禪喻詩模糊最上乘聲聞辟支果此卷方縱橫縑素人爭持吾乃無一縑德威編以唐寫經餉所知而不及余余亦未之索也

沈庵侍郎屬題羅兩峯上元夜飲圖

疏淡梅英雪暈些繁燈礙月蓋妨花井華水上名園記侍郎

住甜水井曾似東京閱夢華

兩峯名筆駕方薰寫出揚州月二分燈火六街城不夜帝京景物更如雲

竹坡仙去鬱華徂誰續詩龕主客圖讀畫勘碑文字飲夜歸莫管李金吾

題北宋石經禮記冊殘本七言十八韻

石經題詩已數數西蜀北宋皆僅存今觀此冊小戴記更作校勘非卮言展衣襃袂見古誼粵枿臚革不刪繁箕裘箕子有專字甘求拙屈形最先後來加仄復加竹語詞作

其从籀文作元卽丌出墨子可與之也同探原表裘襲裘  
已變本干求來半堪共論古文文少乃通段豈於小篆猶  
遵循有朋遠來乃有鳳東栖丘也知何云烏於于混鴉可  
塗免兔兔問雜足以蹲無燕不辨亡爲有甃城衰衽台則  
分纒衰齋叁未咄咄蒯苒恣愛當斷斷却疑指班不缺筆  
缺玄缺敬還缺殷終鄉飲酒始曲禮目錄題識何紛綸服  
潛加點往从主隸變復古偏拳拳良庭醫方必小篆取藥  
藥店羣茫然福山祭酒刊帖括奇字滿紙難具陳勤搦藥  
樹記石刻桃仁杏仁皆作人文人好事何不至六書經訓  
誰便便

極樂寺是二十九年舊遊海棠數十株大皆合

抱今十無一二矣國花堂匾尙存

卅年不到國花堂萬事人閒未足傷聞說杜秋垂老日掃  
眉重換內家粧

國香流落本隨綠勝雪天姿遇恍然我比玄都劉夢得兔  
絲燕麥一流連

豐庵先生招遊積水潭

陶江下接螺女洲楞嚴東望滄趣樓拏舟趁潮便來往抱  
村廿里青如油揭來京國沈塵土雲水盪氣嗟無由北城  
十刹傍荷蕩西涯一角居上游南窪葦灣積潦耳大通二  
閘喧東流蘆芽短長水深淺聊此閒話銷煩憂由來詩人  
珍小景煙波不必隨白鷗寒郊常鷙投金灘柳子鉅鉤連

愚邱滄浪構亭北碕上涪翁著眼浮鼻牛滄江萬頃信可  
念有此三五欽寄歷落之人不

鶴亭招集夕照寺拜其族祖巢民先生生日余未  
至

古者佳人及名士皆是男子之美名學人年長若致仕弟  
子尊禮稱先生葛侯名士作蜀相孟軻致敬呼宋攄後人  
能詩卽名士名士卽以先生稱穆堂冬心有記載四十九  
家相代興先生往往有年譜生卒月日橫庚庚其尤著者  
雖已往每遇生日羣稱觥巢民先生老居士聞孫才調方  
崢嶸鄱陽狀兒肖穎士小同甲子同康成百花生日小一  
月萬柳堂畔招羣英諸君努力作名士身後蘋藻猶芳馨



船山不喜低頭譽此語毋乃非人情畏寒避潦偶未至賦  
詩前度來清明

秘魔厓書竹坡先生題字後示畏廬

尙餘二客話山邱卅載門生共白頭絕似平山堂下過龍  
蛇飛動壁閒留

登岱四首

虞帝東巡後羣山首岱宗下方排枯柏上界出鉛松朝頂  
疑千鶴升中幾方龍萬層留磴道容我上高峯

古昔皆稱岱何年命太山疑從封呂望因以號商顏濟汶  
東西去云亭想象閒嵩衡交臂失吾欲更躋攀

蒼蒼惟積氣直上見天門百道蛟鼉沫千巖虎豹蹲崇朝

聞徧雨殘夜看初暎石塢龍潭勝匆匆未暇言

自有茲山後何人抒偉詞巖巖詹魯句嶽嶽降申詩十丈  
唐宗字千言漢帝儀衰頽無此筆雅志媿鍾期

歷下雜詩

左海人從海右過久聞名士濟南多杜陵北海論交地識  
面無因奈汝何

名士高軒八百年南豐餘韻尙翛然老魚吹沫陰垂柳可  
有軒頭浪接天

泰和寒食關何事嘖嘖遺山與阮亭只道鵲華秋色好金  
焦不見隔江青

滄浪亭子記姑蘇未必陂塘過此湖清秀于鱗題句地尙

留衰柳至今無

賃就畫船穿蕩花隔成花港是蒹葭雨雲崩壞月華吐絲

竹何如聒耳蛙

月出遊船集  
絲竹嘈然

三更荷花風露香煮茶猶坐小滄浪一城山色半城水盡

上羅衫作許涼

漱玉亭邊柳作綿讓君索句此流連

金線泉今爲存古湖  
學堂王貢南所住

州老去易安逝不忍來過金線泉

題雙忽雷圖

只有當年小忽雷東塘以後費疑猜誰知呂老紅牙管曾  
和廉夫大忽雷

彊邨侍郎寄歸鶴圖屬題

我有陶江數畝田，  
妻梅養鶴足生全。  
李家山下遲歸去，  
却怨無人送羽仙。

昨日歸來從岱頂，  
古松千樹鬱盤盤。  
並無一鶴巢居者，  
都去乘軒刷羽翰。

筱岑閣學招集積水潭高廟

遊熟南城愛北城，  
澄潭一角水雲清。  
蒹葭倍茁今年雨，  
槐柳能陰午日晴。  
拓檻陳書生靜趣，  
臨風贈扇見高情。  
主人更有倪黃筆，  
好寫沙鷗送眼明。

叔海兵備於洛陽，  
白文公墓前創建白亭書來索  
詩寄題

伊闕嵩高去不成，  
聞君小隊出郊坰。  
搜尋殘碣疑玄墓，  
商

略顏題仿孟亭古寺翻因詩卷顯灘聲猶作佛音聽青山  
獨往平生志爲向名山一乞靈

同叟庵都統遊明陵次日將往溝溝崖大雨不果  
十三陵外碧峰奇準備重溝涉險巖猛雨中宵何突兀亂  
雲竟日尙奔馳水深斷湖輿難渡石滑層崖蹇不宜天縱  
肯晴吾亦去未遊却作紀遊詩

爲筱珊先生題蕉窗讀畫圖

綠天烏几滑如油無數雲山足卧遊信有人間特健藥不  
知何處白人頭

題鄭海雪墨蹟後

天風謾謾夜泉清嶠雅騷心殿晚明誰識墨池池水黑却

教詩筆掩書名

陳獨漉隸書張曲江詩卷題後

幼吟蘭葉桂花詩長愛離憂古色詞一例芬芳悱惻意老  
來展卷沁心脾

題周郁如畫山水

周昉貽我畫兩方一似陶江之陂塘有田不多屋不廣臨  
水彷彿稻花香年年言歸行且止却以避亂成亟裝烽煙  
四起山河在粟里無恙江邊桑歸船無地著書畫蠟屐定  
較卧遊強偶來城市遠林藪洗桐拭竹求青蒼周昉更爲  
寫江鄉楞巖突兀置我旁

九月十八日葬先室人於梅亭鄉文筆山後十九

日展視作

嵯峨文筆第三峰路轉峰迴翠幾重北俯梅亭香雪海西  
瞻黃店玉芙蓉老來臨穴吾猶健兵裏逃生汝亦慵何似  
夜臺濃睡去松篁萬壑響笙鐘

庭梅將開約梅生月夜彈琴兼以話別

一樹寒梅且盛開商量清夜抱琴來疏桐墜葉供茶竈短  
石支床置酒杯流水高山非絕調參橫月落更清哀看君  
浩蕩江湖思只恐詩成念不才

冬日種竹竟活喜作

平生愛種碧琅玕自別鄉山見汝難久客歸來芳草草此  
君請到一竿竿託身已恐泥多濁卒歲殊憂天又寒畢竟

交情窮乃見滿庭玉立足清歡

歸陶江借居醫隱舊園歲暮寄醫隱

歸來歛翼向江村失喜君家剩舊園  
補葺窗櫺安棐几量移書匱啟柴門  
不多寒碧聊舒眼無主幽香漸返魂  
苦憶去年風雪裏唐花紅白醉芳尊

數畦寒菜長荒村彷彿江關賦小園  
霜菊猶花都踈地山桃已蕊恰當門  
絕江喚渡殊耽閣將遊方廣巖念遠登高欲斷

魂天末來書聊慰藉蠹房春餅佐清尊

李家山下自成村典得君家十畝園  
叱犢扶犁田破塊打魚漉澤水開門  
蜡寶曾動官家感社祭將招古昔魂  
能護全閩詩在否稱王水陸一何尊

余刻閩詩錄於武昌板未  
知存否陶江社公稱水陸



不遠至言身名王  
三  
尊王相傳係宋林  
峒有詩在詩錄中

楞巖高處瞰山村邱壑松篁此最尊  
桶水分江登拾級爨  
煙繞舍入重門峰巒隱見占晴雨  
池館經過槍夢魂曾是  
母兄偕隱地於陵來灌桔槔園

橘價賤落戲書

荔奴損後木奴紅顧汝千頭尙自雄  
錫貢厥包都瓦解君  
餘波及斷溝通賣傭求益終無術  
韞匱居奇亦罔功聊復  
奉題三百顆詩人如此未真窮

歲暮懷人絕句三十二首

滄趣忠經繼獲麟海藏義不廢君臣  
王齊反手猶疑孟何

況官家論蜡賓

陳設庵

鄭蘇堪

二老平生意較親，辭官未敢厭清貧。  
看山蠟屐閒經歲，擊鉢催詩斷十旬。  
林贊虞 郭春榆

薑齋詩與官同進，久矣郵筒斷往來。  
聞道遼東有續集，定過雲夢勝蘭臺。  
張君常

傳誦嚴詩自太夷，五言廿韻極哀思。  
木庵道子吾摩詰，別有滄浪畫喻詩。  
嚴幾道

畏廬畏亂復畏貧，稚子旁妻避析津。  
飄泊干戈曹霸手，鋪張排比杜陵人。  
林畏廬

此老驅羊本萬羣，養魚種樹日紛紛。  
何年一舸鴟夷去，論定傷寒勸說文。  
力醫隱

香山墓下白公亭，徵集新詩刻石屏。  
脫屣一官何所往，闕

江丁字蜀空船

江叔海

支離漂泊向西南，獨有溝園與聘三。  
三峽樓臺叫猿狖，五

溪衣服共駢駝。

沈愛蒼 王病山

杜宇無聲蜀道難，牛腰諫草滯長安。  
我詩首首君能誦，近  
藁何當與細看。

趙堯生

迦音閣下栽花地，四印齋頭舞雪天。  
趙嘏敲詩遍除夜，羅  
虬病酒過殘年。

羅嬰公

挂冠小築百花洲，贛水烽煙起未休。  
曾否雙峰山下去，讀  
書閉戶種忘憂。

胡瘦唐

楊子詩窮老不諧，買山無力滯金臺。  
讀書讀律全無用，巫  
峽羅浮歸去來。

楊昫谷

二沈辭官有粵裝傍湖築舍看鴛鴦長公說有談空擅叔

子狂言老更狂

沈子培

子封

廬峰鍾阜片雲閒垂老偏依幕府山築就青溪江令宅連

天兵火達江關

陳伯嚴

半生潦倒談風節廉修王陽待化金前歲都門留大嚼食

單傳播到雞林

梁節庵

太學諸生待汝來途窮垂老客燕臺屋廬書籍辛勤有莫

漫昆明付劫灰

馬季立

數載連牆紗縠行編排貨殖攷工商誰知嶺外移官去依

舊清貧寶玉鄉

王雪岑

九點齊煙萬首詩四魂渺渺近何之廿年朝貴知交徧綠

綺文君不療飢

易實甫

銅官感舊語持平  
拈出公羊譏世卿  
持我計然數百冊  
挑燈翻閱到天明

曾重伯

天算輿圖功最深  
十年枯槁返家林  
迴環誦我湖湘句  
口吃還兼操土音

葛心水

何點曾無大小山  
自家供養寫煙巒  
弘農成瑨爲官久  
但博南陽坐嘯難

何詩孫

成子晉

年少詩才一世雄  
封胡羯末一門中  
春申林際爲流寓  
問舍求田恨未工

陳仁先

季貺先生有外孫  
五周跋後過高軒  
草堂秀野煩君賃  
引得詩人日到門

冒鶴亭

黔中有客太論癡讀書評書兩鬢絲刻就明詩三百卷同

光又了一枰棋

陳松山 孫師鄭

年來議禮共曹褒奪席談經筆舌勞獺祭義山工錦瑟微

詞宋玉託離騷

曹君直

中州人物推秦七奇字蟠胸揚子雲奏記長官皆草聖擘

牙公嶺盡駢文

秦右衡

百蟹撐腸李北海萬羊食料近何如遺山被困圍城後可

有碑文一字書

李梅庵

二客閒關出玉門向人隴月幾黃昏杜陵沈鬱嘉州壯安

得郵筒與細論

俞確士 陳子言

重見姬傳與望溪贈言書事待分題死生石友過張范去

就微官合阮嵇

姚叔節

馬通伯

桐城人薄桐城派挾策賣文陳劍潭慚愧布衣昆弟意少

章太息返江南

陳劍潭

座上當年識孟嘉寄書聞我出京華北山憔悴太炎老說

士曾經衆口譁

吳彥復

章太炎

朱生病後無消息奉母梁生轉徙頻獨有無雙江夏子新

詩百韻劇亡秦

朱芷青

梁衆異

黃秋岳

郊行見菜花

一色菜花十里黃好風斜日送微香分明觸起童時景只有鬢髮換老蒼